

VENDIM
Nr. 884, datë 27.12.2019

**PËR DISA SHITESA DHE NDRYSHIME NË VENDIMIN NR. 391, DATË 3.5.2017,
TË KËSHILLIT TË MINISTRAVE, “PËR PËRCAKTIMIN E PROCEDURAVE TË
REGJISTRIMIT DHE TË PUBLIKIMIT NË QENDRËN KOMBËTARE TË
BIZNESIT”**

Në mbështetje të nenit 100 të Kushtetutës dhe të nenit 76, të ligjit nr. 9723, datë 3.5.2007, “Për regjistrimin e biznesit”, të ndryshuar, me propozimin e ministrit të Financave dhe Ekonomisë, Këshilli i Ministrave

VENDOSI:

Në vendimin nr. 391, datë 3.5.2017, të Këshillit të Ministrave, bëhen këto shtesa dhe ndryshime:

1. Në pikën 28, të kreut IV, pas fjalëve “... të paktën nëpërmjet nënshkrimit elektronik të avancuar ...” shtohen “... të formularit të aplikimit ...”.

2. Në kreun VIII bëhen ndryshimet, si më poshtë vijon:

a) në pikën 61 bëhen këto ndryshime:

i. fjalët “... dhe që nuk i kanë depozituar më parë sipas afatit të parashikuar në pikën 5, të nenit 22, të ligjit të regjistrimit të biznesit ...” hiqen;

ii. fjalët “... jo më vonë se 7 muaj nga data e mbylljes së çdo viti financiar” zëvendësohen me “... nëpërmjet sportelit elektronik, brenda 7 muajve nga data e mbylljes së çdo viti financiar, jo më vonë se data 31 korrik.”.

b) Pikat 62, 63 dhe 64 ndryshohen, si më poshtë vijnë:

“62. Nëse një subjekt nuk përmbush detyrimin sipas pikës 61, të këtij kreu, atëherë QKB-ja zbaton sanksionin e parashikuar në pikën 3, të nenit 74, të ligjit të regjistrimit të biznesit.

63. Me refuzimin e aplikimit për depozitim të pasqyrave financiare, subjektet kanë të drejtë të riaplikojnë për depozitim të tyre, jo më vonë se 7 muaj nga data e mbylljes së çdo viti financiar, brenda datës 31 korrik. Riparaqitja e aplikimit për depozitim të pasqyrave financiare, pas refuzimit, trajtohet si aplikim i ri.

64. Kundërvajtja administrative, e parashikuar në pikën 3, të nenit 74, të ligjit të regjistrimit të biznesit, nuk zbatohet për subjektet që kanë njoftuar pezullimin e veprimtarisë, në përputhje me nenin 44, të po këtij ligji.”.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama